

զոր խնդրեալ ս. վարդապետն Յակոբ Արիմեցին ի մեծ րարունւոյն Գրիգորէ Սլաթեցւոյ»:

9. Ճառ ի ծնունդ ս. Աստուածածնի: 3

10. Ներբող տարեւորական տեղեաց:

11. «Դատաստան կամ որոշումն վասն խնդրոյ իրիք պատկի՝ այն է թուղթն նորա (Սլաթեցւոյ) առ ոմն»: (Ձեռ. Յուցակ Վենեակ. ս. Ղազարի գրչագ.):

12. «Թուղթը» Սլաթեցւոյ: (Անդ:)

13. Մանաւանդ արժանի է ուշադրութեան Սլաթեցու խմբագրած «Յայսմաւուրքը»՝ իւր ժամանակ նահատակուած վկաների պատմութիւններով հանդերձ. «զգիրս սրբոց մարտիրոսաց և վկայիցն, ասում է Մեծոփեցին մեր հեղինակի մասին, որ կոչի Յայսմաւուրք, շարադրեալ ի սրբոց հնոց և նորոց վարդապետացն՝ ի լոյս էած»: Այս նոյն երկն է, որ ինչ ինչ յետսամուտ յաւելուածներով տրպագրուեց երկու անգամ Կ. Պօլիս (1706 և 1730 թթ.) և մինչև այժմ ևս գործ է ածուում

---

3. Այս ձառի յաջորդ ներբողի որպէս եւ Խլաթեցու Տաղերն ու Գանձերն ամփոփող վերջ յիշած Վենեակեան լիակատար գրչագրի մասին հաղորդել է ինձ սիրայօժար Արժ. հ. Յակոբոս Տաշեանը, որին յայտնում եմ այսու իմ ջերմ շնորհակալութիւնս: